

Na osnovu člana 64. stav 1. tačka b), člana 70. stav 1, 3. i 6. Zakona o javnim nabavkama („Službeni glasnik BiH“, broj 39/14), te na osnovu preporuke Komisije za nabavke, a po provedenom postupku za nabavku usluga putem konkurentskog zahtjeva, Rukovodilac Stručne službe za poslove Gradonačelnika, donosi

**ODLUKU
o izboru najpovoljnijeg ponuđača**

Član 1.

Prihvata se preporuka Komisije za nabavke, te se ugovor za nabavku usluga osiguranja umjetničkih djela, dodjeljuje ponuđaču BOSNA SUNCE OSIGURANJE“ DD SARAJEVO, PODRUŽNICA TUZLA koji je dostavio svoju ponudu broj: 01-03-1371/17 od 07.04.2017. godine u kojoj je ponuđena cijena od 1.673,98 KM bez PDV-a.

Član 2.

Ova odluka se dostavlja svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

Član 3.

Ova odluka objavit će se na web-stranici ugovornog organa (www.tuzla.ba) istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

Član 4.

Ova odluka stupa na snagu danom donošenja.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 14-14-2728-2017 od 27.03.2017. godine. Postupak nabavke je proveden konkurentskim zahtjevom za dostavu ponuda za koji je objavljeno Obavještenje o nabavci broj: 1004-7-2-7-3-20/17 na Portalu javnih nabavki dana 28.03.2017. godine.

Postupak nabavke provela je Komisija za nabavke imenovana Rješenjem broj: 14-14-2728-2017 od 27.03.2017. godine.

U toku postupka javne nabavke Komisija je zaprimila pristigle ponude, izvršila njihovo otvaranje, te pregled i ocjenu ponuda prema zahtjevima i kriterijima iz tenderske dokumentacije.

U postupku javne nabavke utvrđeno je slijedeće:

- da je ukupan broj pristiglih ponuda 3 (tri);
- da su blagovremeno zaprimljene 3 (tri) ponude;
- da nije bilo neblagovremenih ponuda;
- da su sve 3 (tri) dostavljene ponude prihvatljive.

U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocjenu kvalifikovanosti ponuđača te ocjenu prispjelih ponuda, u skladu sa kriterijima iz tenderske dokumentacije.

U postupku ocjene provedenog postupka, Ugovorni organ nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za nabavke.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, i tenderskom dokumentacijom.

Uvidom u priloženu dokumentaciju utvrđeno je da je ponuđač BOSNA SUNCE OSIGURANJE“ DD SARAJEVO, PODRUŽNICA TUZLA dostavio prihvatljivu ponudu sa najnižom cijenom te je odlučeno kao u članu 1. ove odluke.

POUKA O PRAVNOM LIJEKU

Protiv ove odluke može se izjaviti žalba Uredu za razmatranje žalbi putem ugovornog organa, najkasnije u roku od 5 (pet) dana od dana prijema ove odluke.

Bosna i Hercegovina
Federacija Bosne i Hercegovine
Tuzlanski kanton
GRAD TUZLA
Stručna služba za poslove Gradonačelnika
Broj:14-14-2728-2017
Datum, 12.04.2017. godine

RUKOVODILAC STRUČNE SLUŽBE

Svjetlana Kakeš